

Ministarstvo unutrašnjih poslova Kantona Sarajevo – UPRAVA POLICIJE, La Benevolencija br. 16, koju zastupa policijski komesar Generalni inspektor policije Fatmir Hajdarević, (u daljem tekstu: Ugovorni organ)

i

Hifa petrol d.o.o. Sarajevo, Hotonj bb 71320 Vogošća, ID broj: 4200999090005 kojeg zastupa direktor Ahmetlić Hajrudin, (u daljem tekstu: Dobavljač)

Zaključili su:

UGOVOR O SUKCESIVNOJ NABAVCI POGONSKOG GORIVA ZA MOTORNA VOZILA (LOT 1)

Član 1.

Predmet ovog ugovora je nabavka i sukcesivna isporuka pogonskog goriva (Dizel BAS EN 590 (10 ppm) i Premium BMB 95 BAS EN 228):

- LOT 1 - Sukcesivna nabavka pogonskog goriva na lokaciji općine Stari Grad, za potrebe Uprave policije Ministarstva unutrašnjih poslova Kantona Sarajevo. Nabavka je izvršena putem otvorenog postupka, na osnovu Odluke broj 02-11-4-3810/25 od 30.06.2025. godine.

Ugovor se zaključuje u skladu sa uslovima iz tenderske dokumentacije, ponudom Dobavljača, odredbama Okvirnog sporazuma broj: 02-11-4-3810-12/25 od 08.12.2025. godine i stvarnim potrebama Ugovornog organa.

Ponuda broj: JN-2460/25 od 02.07.2025. godine za LOT 1 sastavni je dio ovog ugovora.

Član 2.

Ukupna vrijednost ovog ugovora bez PDV-a iznosi:

- 48.410,46 (četrdesetosamhiljadačetiristinedeset i 46/100) KM.

Član 3.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 5% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku koji je odredio ugovorni organ, zaključeni ugovor će se smatrati apsolutno ništavim.

Član 4.

Garancija za uredno izvršenje ugovora realizuje se u sljedećim slučajevima:

- u slučaju raskida ugovora krivnjom Dobavljača zbog kršenja odredaba zaključenog ugovora, pod uslovom da je prethodno pismeno obaviješten o svakom propustu da postupi po ugovoru i da u ostavljenom roku nije izvršio ispravku takvih propusta;

- u slučaju otkazivanja Okvirnog sporazuma i pojedinačnog ugovora od strane Dobavljača prije isteka roka na koji je isti zaključen, pod uslovom da razlog za otkaz nije nastupio kao posljedica kršenja odredaba Okvirnog sporazuma i ugovora od strane Ugovornog organa.

Garancija za uredno izvršenje ugovora realizuje se protekom roka od pet radnih dana od dana raskida, odnosno otkaza okvirnog sporazuma i na osnovu njega zaključenog pojedinačnog ugovora.

Član 5.

Dobavljač se obavezuje da za vrijeme trajanja ugovora, vrši redovno snabdjevanje Ugovorni organ pogonskim gorivima iz člana 1. ovog ugovora koje će se vršiti sukcesivnom isporukom putem benzinske pumpe u ul. Put mladih muslimana bb i za sva motorna vozila Ugovornog organa, pod datim uslovima u njegovoj ponudi iz člana 1. ovog ugovora.

Ugovorni organ će dostaviti Dobavljaču spisak vozila sa registarskim oznakama za koja se mogu vršiti isporuke robe koja je predmet ovog ugovora. U slučaju promjena podataka sa spiska isti će biti pravovremeno pismeno dostavljen Dobavljaču.

Član 6.

Dobavljač će Ugovorni organ svrstati u „prioritete“ što znači da će u svakom momentu imati posebno rezervisane količine tečnih goriva za potrebe Ugovornog organa i da će vršiti nesmetano snabdjevanje njegovih vozila tečnim gorivima u bilo kom trenutku neovisno od situacije na tržištu.

Dobavljač će tokom realizacije ovog ugovora, Ugovornom organu vršiti isporuku pogonskih goriva sa kvalitetom u skladu sa standardima, normama kvaliteta koji važe za vrstu roba koje su predmet nabavke, te će ukoliko to Ugovorni organ bude zahtijevao od njega, periodično dostavljati certifikat/uvjerenje o kvalitetu goriva izdat od nadležnog organa/pravnog lica (firme) u Bosni i Hercegovini.

Dobavljač je saglasan da, od strane Ugovornog organa odabrana firma za kontrolu kvaliteta goriva može, na benzinskoj pumpi Dobavljača, prilikom tankanja goriva u motorno vozilo i mopeda Kupca uzeti uzorke u svrhu kontrole.

Ukoliko se analizom ustanovi da rezultati analize nisu u skladu sa važećim propisima o kvalitetu predmetnog goriva u BIH, Dobavljač snosi sve posljedice koji nastanu po osnovu navedenog odstupanja.

U slučaju spora oko reklamacije na kvalitet isporučenih pogonskih goriva mjerodavan je stručni nalaz ovlaštene kuće za provjeru kvaliteta tečnih goriva.

Dobavljač će Ugovorni organ nadoknaditi svu štetu uvrđenu od strane nadležnog organa, a nastalu isporukom neadekvatnog i nekvalitetnog goriva na benzinskim pumpama Dobavljača.

Član 7.

Isporučene količine pogonskih goriva Ugovorni organ će plaćati po osnovu ispostavljenih ispravnih originalnih faktura zaključno sa 15. i zadnjim danom u mjesecu čiji će iznos biti utvrđen množenjem količine isporučenog goriva u periodu za koji se ispostavlja faktura i utvrđene jedinične cijene Dizel BAS EN 590 (10 ppm) i Premium BMB 95 BAS EN 228 za taj period.

Utvrđivanje jedinačni cijena će biti pomoću sljedećih cjenovnih formula:

- a) Cjenovna formula za utvrđivanje jedinačne cijene Dizel BAS EN 590 (10 ppm) po kojoj će biti plaćana faktura, tokom važenja ugovora je sljedeća:

$$C_{fd} = K_d \times C_{2d} \text{ [KM/l]} \quad \text{pri čemu je:}$$

C_{fd} – jedinačna cijena Dizel BAS EN 590 (10 ppm), po kojoj će Dobavljač fakturisat isporučeno dizel gorivo za prethodni period tokom primjene ugovora, iskazana sa PDV-om i zaokružena na 2 (dvije) decimale. [KM/l];

C_{2d} – prosječna cijena Dizel BAS EN 590 (10 ppm) u FBiH sa PDV-om [KM/l], u periodu za koji se fakturiše isporučeno dizel gorivo,

K_d – koeficijent za dizel gorivo koji će biti određen po formuli:

$$K_d = C_{pd}/C_{1d} \text{ (koeficijent će biti zaokružen na četiri decimale)}$$

C_{pd} – ponuđena jedinačna cijena Dizel BAS EN 590 (10 ppm) na dan otvaranja ponuda sa popustom i PDV-om [KM/l].

C_{1d} – prosječna cijena Dizel BAS EN 590 (10 ppm) u FBiH sa PDV-om [KM/l], u periodu od 30 dana prije dana otvaranja ponuda koju je Ugovorni organ dobio od Federalnog Ministarstva trgovine u Mostaru i koju će Dobavljač primjeniti kod izračunavanja koeficijenta K_d.

$$K_d = 1,0042$$

- b) Cjenovna formula za utvrđivanje jedinačne cijene Premium BMB 95 BAS EN 228 po kojoj će biti plaćana faktura tokom važenja ugovora je sljedeća:

$$C_{fb} = K_b \times C_{2b} \text{ [KM/l]} \text{ pri čemu je:}$$

C_{fb} – jedinačna cijena Premium BMB 95 BAS EN 228, po kojoj će Dobavljač fakturisat isporučeno gorivo za prethodni period tokom primjene ugovora, iskazana sa PDV-om i zaokružena na 2 (dvije) decimale , [KM/l];

C_{2b} – prosječna cijena Premium BMB 95 BAS EN 228 u FBiH sa PDV-om [KM/l], u periodu za koji se fakturiše isporučeni benzin,

K_b – koeficijent za benzin koji će biti određen po formuli:

$$K_b = C_{pb}/C_{1b} \text{ (koeficijent će biti zaokružen na četiri decimale)}$$

C_{pb} – ponuđena jedinačna cijena Premium BMB 95 BAS EN 228 na dan otvaranja ponuda sa popustom i PDV-om [KM/l].

C_{1b} – prosječna cijena Premium BMB 95 BAS EN 228 u FBiH sa PDV-om [KM/l], u periodu od 30 dana prije dana otvaranja ponuda koju je Ugovorni organ dobio od Federalnog Ministarstva trgovine u Mostaru i koju će Dobavljač primjeniti kod izračunavanja koeficijenta K_b.

$$K_b = 1,0127$$

Koeficijent K_d i K_b će biti konstantni tokom primjene ugovora.

Uz svaku fakturu Dobavljač dostavlja prosječnu cijenu predmetnih goriva izdatu od Federalnog Ministarstva trgovine u Mostaru, za period za koji se faktura izdaje. Ugovorni organ zadržava pravo provjere prosječne cijene predmetnih goriva izdate od strane Federalnog Ministarstva trgovine u Mostaru.

Član 9.

Plaćanje isporučenih pogonskih goriva Ugovorni organ će vršiti, u roku od 30 (trideset) dana od dana prijema na protokol ispravnih originalnih faktura izdatih od strane Dobavljača, na tekući račun Dobavljača, u skladu sa članom 107. Pravilnika o primjeni Zakona o PDV-u („Službeni glasnik BiH“, broj: 93/05, 21/06, 60/06, 06/07, 100/07, 35/08 i 65/10, 85/17, 44/20, 47/22, 87/22, 62/23 i 25/25).

Uz svaku fakturu izabrani ponuđač dostavlja prosječnu cijenu predmetnih goriva izdatu od Federalnog Ministarstva trgovine u Mostaru, za period za koji se faktura izdaje.

Ugovorni organ zadržava pravo provjere prosječne cijene predmetnih goriva izdate od strane Federalnog Ministarstva trgovine u Mostaru.

Zaposlenici Ugovornog organa prilikom sipanja goriva, dostavljaju Dobavljaču 3 primjerka nalog za sipanje goriva potpisan i opečaćen od strane ovlaštenog lica Ugovornog organa. Uz svaku ispostavljenu fakturu Dobavljač dostavlja jedan primjerak naloga za izdavanje goriva sa tačno utvrđenom količinom i vrstom izdatog/kupljenog pogonskog goriva, datumom izdavanja, registarski broj vozila, imenom i prezimenom lica koje je preuzelo gorivo, te potpisom i pečatom Dobavljača. Dobavljač ispostavlja fakturu u roku od 10 (deset) dana od dana isteka perioda za koji se fakturiše. Dakle, do 25. tekućeg mjeseca za period od 01.-15. u tekućem mjesecu i do 10. u tekućem mjesecu za period od 16. – do kraja prethodnog mjeseca.

Član 9.

Dobavljač se obavezuje da će pratiti utrošene količine predmetne robe, kao i utrošena sredstva, te uz svaku izdatu fakturu o tome slati izvještaj ugovornom organu. Takođe se obavezuje da će nakon utrošenih novčanih sredstava i količina predviđenih ovim ugovorom i ponudom koja je sastavni dio ugovora, obustaviti točenje predmetnih pogonskih goriva Ugovornom organu.

Član 10.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih Ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ovom ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje uz prilaganje odgovarajućih dokaza.

Član 11.

U slučaju kašnjenja u isporuci roba, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 0,03% naručene robe, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 12.

Dobavljač nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog ugovora, odnosno od početka realizacije ovog ugovora.

Član 13.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 14.

Ugovorni organ zadržava pravo da u slučaju kašnjenja ili neizvršenja ugovorenih obaveza ovaj Ugovor raskine. Ugovorne strane mogu raskinuti ovaj ugovor i prije njegove realizacije, ukoliko se jedna strana ne bude pridržavala njegovih odredbi, uz prethodno izmirenje svih obaveza utvrđenih po ovom ugovoru. Otkazni rok je 15 (petnaest) dana, a po isteku ovog roka Ugovor se smatra raskinutim. O otkazu ugovorne strane se obavještavaju pismenim putem.

Ugovorni organ zadržava pravo raskida ugovora ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Ugovorne strane su saglasne da svaka strana može jednostrano raskinuti ovaj ugovor i zadržati pravo na naknadu štete zbog raskidanja ugovora u sljedećim slučajevima:

- ako Dobavljač kasni sa isporukom, a zakašnjenje nije posljedica vanrednih okolnosti (više sile);
- ako Dobavljač dođe u situaciju da ne može ispoštovati ugovor (stečaj, likvidacija i sl.);
- ako neka od ugovornih strana svoje dospelje obaveze ne ispuni ni u naknadno prihvatljivom roku za sve ugovorne strane;
- ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Obavještenje o jednostranom raskidu ugovora mora se dostaviti drugoj ugovornoj strani isključivo u pismenom obliku.

Raskidanjem ugovora, smatra se raskinutim i okvirni sporazum na osnovu kojeg je zaključen ovaj pojedinačni ugovor.

Član 15.

Eventualno nastale sporove pri realizaciji ovog ugovora, ugovorne strane će rješavati sporazumno, a ukoliko to nije moguće, utvrđuje se nadležnost Suda u Sarajevu.

Član 16.

Ovaj ugovor je zaključen, kada isti potpišu obje ugovorne strane, počinje se primjenjivati od utroška sredstava po Ugovoru broj: 02-11-4-3810-17/25 od 19.12.2025. godine i traje do realizacije ugovorene vrijednosti, a najduže do isteka važenja Okvirnog sporazuma.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
Hifa petrol d.o.o. Sarajevo

direktor Ahmetlić Hajrudin

Broj: 1813

Datum:

12.8.08-2026

UGOVORNI ORGAN
MUP KANTON SARAJEVO
UPRAVA POLICIJE

POLICIJSKI KOMESAR
Generalni inspektor policije
Fatmir Hajdarević

Broj: 02-11-4-3810-33/25

Datum: 20.08.2026. godine